

坤輿典第三十三卷

泉部彙考三

江南通志 江寧府

玉兔泉在上江兩縣儒學二門內秦檜未仕時宿學夜見白兔入地掘之得泉 卓錫泉在江浦

縣東北二十里定山寺山門之右梁時僧達摩晏坐石巖思西域水以錫杖卓石遂得泉 珍珠

泉在江浦縣東北二十里定山西南山麓其地有泉噴出若散珠遂以爲名東流一里合卓錫泉溉田數十頃通於江 湯溝泉在江浦縣北三十里駱駝峯北流入三汊河溉田數十頃通於江

蘇州府

石井泉在虎丘山今名陸羽泉羽嘗以此泉爲天下第三 六品泉在吳江縣南五里張又新品爲東南第六泉清澈甘冽烹茶極佳

常州府

陸子泉在無錫縣慧山寺南廡石穴源出若冰洞陸羽品天下水味以廬山谷簾泉爲第一此居次

今扁曰天下第二泉令韞載原云泉味甚甘異於他感錫之氣耳

金泉在宜興縣西南小心山

卽君山西峯下金砂泉輿地志云金剛承小心謂此

玉泉在宜興縣張公洞側會仙巖下寒冽

淵澄極旱不竭側有莽地約畝餘明御史聞人詮命闢之得宋淳祐間石刻玉泉二字因建亭於上

善利泉在江陰縣東十里綺山之側清冽甘美

解崇泉在江陰縣東十八里真山西幽谷中湛

潔靚深飛埃不到且巖嶠峻阻林木蓊密造者皆斂肅焉

淮安府

分泉贛榆縣西北七十里水出石頂上高尺餘東西分流鎮名分水上有龍王廟

揚州府

第五泉在江都北大明寺前唐張又新煎茶水記載劉伯芻謂水之宜茶者七揚大明寺井第五泉也

安慶府

讓泉在府西門外汲者爭則竭讓則湧

呂泉在桐城呂洞賓拔劍剗泉濟孝婦處

天泉在

桐城明季寇圍城城中渴甚有小兒戲掘一井泉忽大湧因連掘十數穴皆湧泉全城賴以存活

鶴泉在潛山縣白鶴道人止處鶴起泉流

摩圍泉在潛邑山谷寺黃魯直最愛飲號摩圍老子

應夢泉在潛山縣西真源宮唐元宗嘗夢遊於此因賜名

靈龜泉在潛山縣皖山西有大石龜

出泉黃庭堅有銘

徽州府

聖泉在休寧縣孫田葉巖下相傳明高皇訪汪院判馬蹄所觸出也

天井山泉在休寧縣西村

山石奇峭有數井泉從地湧清深不測爲蛟龍窟

龍泉在婺源縣北七十里俗傳有龍潛其下

旱禱卽應唐呂洞賓大書飛龍巖三字刻於石

洗心泉在婺源縣西五十里昔無水有高僧卓

錫湧泉湛甘泉講學於此

薛公泉在黟縣城內有九井唐少保薛稷所鑿

池州府

南泉在貴池縣舞上三保地有三泉大旱不竭民賴其利

東坑泉在府城西一百里毛嶺北發

源僅濫觴流出漸大而行東注玉鏡潭隨地作堰一十五所

真珠泉在青陽縣東三十里有泉

纍纍而出如珠

碧玉泉在少微峯北石巖上世傳費拾遺烹茶於此

靈寶泉在銅陵縣泉

出石穴

鳳陽府

漢泉在定遠縣西五十里源出楚泉二泉並行自南而西合流入洛達於淮

咄泉在壽春縣北

十里人至其旁大叫則大湧小叫則小湧咄之則泉彌甚

靈泉在鳳陽縣西南清隱院內唐元

桓作靈泉贊

白龜泉在懷遠縣荆山東南宋蘇軾詩龜泉木杪出牛乳石池漫

聖泉在懷

遠縣塗山西阻絕之處

磬泉在盱眙縣古離宮西南有石刻曰磬泉俗名七眼井

徐州

拔劍泉在徐州世傳漢高帝入彭城晉軍於此爲楚所困漢兵渴乏帝以劍插地拔卽泉湧出至今不溢不枯土人呼爲龍湫

滁州

庶子泉在瑯琊山寺唐庶子李幼卿得名王禹偁有詩

六一泉在醉翁亭側滁守歐陽修晚號

六一居士故名舊名玻璃泉

紫微泉在豐山舊名幽谷歐陽公建豐樂亭其上

白龍泉在

瑯琊山歲旱禱雨輒應

真珠泉在滁州城西遊者鼓掌泉側水濺射如珠因名

黑龍泉在

全椒縣南烏龍山泉出石竇潦旱無盈涸

和州

馬跑泉在含山北十五里卽昭關之泉也

飛錫泉在含山縣南六十里有太湖寺昔無用禪師

當山腋鑿一孔出水日取千瓢不竭一瓢不溢禪師有真身塔

卓刀泉在含山西七十五里在

東關嶺有卓刀泉飲馬池謂關公卓刀飲馬於此

廣德州

不老泉在州南四十里大旱不竭有古碑刻不老泉三字

沸泉在建平縣東十里其味甘冬溫

夏涼

妙泉在建平縣南九十里大巖山下

浙江通志

杭州府

甘露泉在府羊市東慈雲寺後

周公惠泉在湖墅下閘宋乾道三年周安撫淙重修邦人德之

故名

泚雪泉在錢塘縣大佛身右壁棠陵方思道題

僕夫泉在錢塘縣元僧芳洲所鑿也

先是智圓居孤山有僕夫藝竹得泉遂號僕夫泉後徙寺茲山藉葛井以汲寺僧艱之芳洲鑿地得此遂名 參寥泉在錢塘縣智果寺蘇軾應夢記云僕在黃州參寥子自吳中來訪一夕夢參寥

子賦詩覺而記兩句寒食清明都過了石泉槐火一時新後七年僕守錢塘而參寥子始卜居西湖智果院有泉出石縫間甘冷宜茶寒食之明日僕與客汎湖自孤山夾謁參寥子汲泉鑽火烹黃蘗茶忽憶夢兆於七年前衆客皆嘆傳記所載非虛語也 六一泉在錢塘縣孤山後巖東坡守

杭時泉出有懷六一翁因名乃敘而銘之久廢成化丙申南京大理寺卿夏時正訪得於榛穢中命掃薙而濬發之泓然故物也 玉泉在錢塘縣九里松北淨空院齊建元末靈悟大師曇超說法

龍君來聽爲撫掌出泉今龍祠前小方池深不尋丈清澈可鑒異魚數百泳游其中旱不涸潦不盈灌漑田三千餘頃淳祐八年趙興憲發治龍潭增築爲二池元末兵燹寺燬而泉如舊至嘉靖間郡守陳仕賢爲亭其上寺之後有細雨泉 武林泉西漢及晉地理志云錢塘有武林山武林水所

出東入於海晏元獻輿地志云武林山錢塘泉所出顧縣吾山川記自南徂東臨浙江一派謂之靈

隱浦

冷泉在靈隱寺外面飛來峯卽石門澗水浦先時深廣可以通舟宋紹興間有善堪輿者

言靈隱火山也得水可以禳災乃建石閘以蓄水明弘治中山水橫發閘崩而浦澀

定光泉舊

名錫杖泉在西山長耳相院西定光菴側相傳定光在山修行因歲旱無水乃以杖引泉故有是名

今山腰有泉盤迴飛流濺沫可愛淳祐丁未亢旱此泉不竭寺僧用篋引泉供廚焉

眞珠泉在

錢塘縣集慶寺內周顯德間泉自地迸出寺僧因鑿爲方池聞剝啄聲則泉益湧纍纍如貫珠宋景

祐中官家取以釀酒遂以名酒雷峯路口張園亦有眞珠泉

管箕泉在錢塘縣赤山之陰合於

惠因澗元時有黃子久公望者號大癡卜居泉上子久善畫有山水訣傳於世

劉公泉在錢塘

縣南高峯下出石竇間清澈可玩宋常平劉常鑿池因篆書劉公泉三字於石

水樂洞泉在錢

塘縣烟霞嶺西石洞雙啟穹若大厦水源左發右出冷齧肌骨清照毫髮甘寒無出其右洞深窅無

極入數十步空洞曠邈投之石鏗鏘有聲莫知涯際

蓮花泉在錢塘縣飛來峯頂石巖無土清

而可啜

虎跑泉在錢塘縣西南十里大慈山上泉清潔而甘寒與龍井玉泉相伯仲郡城則郭

婆井吳山泉爲最茲五泉者杭之聖水也

涌泉在錢塘縣霍山清心院前山坡上宋紹興間高

宗日遣人取之瀹茗寺僧護以朱欄泉從石罅中流出廟前折入黃山橋小河味極清甘亢旱不竭
惠泉在錢塘縣長壽鄉大老山泉自地湧出亢旱不涸有寺以泉爲名 丹泉在餘杭縣此泉之

源最高歷大柱山而下始聞殷殷若雷至大滌洞西百餘步乃出甘冽不竭有方池瀦焉天宇清明
則有赤色四旁苔蘚皆爲紫暈 桃花泉在餘杭縣龍蛻洞之西自石罅橫注入溪昔人每見有

桃花片流出張公弼詩有洞裏有春藏未得春風春雨泛桃花指此 撫掌泉在餘杭縣洞霄宮

內舊傳錢武肅王至宮有雙鶴翔舞其上因撫掌招之鶴下而泉湧宋陳堯佐按部至此詢羽士答
曰昔仙人撫掌而泉脉自湧公撫掌亦然宋高宗亦嘗酌此 龍孔泉在昌化縣南金山玉嶺之

麓石竅中寒泉湧出冬夏不涸每巨魚出遊必雨居民賴之爲水利 天井泉在昌化縣西五十

里石竅深窅叵測其中若列梯級可通上下寒泉涓涓灌注石面凝結如脂爲寒水石昔有人執燭
而入光彩奪目或以絲繫石下度之其聲瑟瑟如鼓相傳竅通朱浪村之長潭

嘉興府

孟姥泉在海鹽縣鹿山之麓自鷹窠頂來山厚源深有瀑布如匹練

湖州府

玉竇泉在長興縣西南六十五里洛塢色紺味甘唐處士鄭遨與道士李道殷羅隱築室泉上號三隱宋侍郎錢伯言作碑記 半月泉在德清縣北慈相寺中相傳昔有梵僧曰此地有泉因鑿之

泉出石罅間形如半月

蒙泉在安吉州西泉上有亭味甘冽

寧波府

昌黎泉在府治二里南倉基內宋紹興間守韓仲通建亭其上故名

西山雙乳泉在鄞縣西三

十五里資教寺北味甘色白

透瓶泉在奉化縣東三里大溪東岸其水注以磁器則滲液於外

紹興府

清白泉在府治內清白堂側范文正公記西巖下獲廢井泉甘而色白淵然丈餘引不可竭 三

汲泉在府臥龍山麓東淺不過有水數斗然汲盡復滿不涸

玉帶地 在山陰縣琵琶山陽和嶺

下泉味甘而冽色微白故謂之玉帶嶺上有張氏墓因後裔文恭張陽和鍾祥於此遂名其嶺

鄭公泉在會稽縣若耶溪東去葛仙翁釣磯不遠水經注泉方數丈漢太尉鄭弘宿居潭側因以名

宗日遣人取之淪茗寺僧護以朱欄泉從石罅中流出廟前折入黃山橋小河味極清甘亢旱不竭
惠泉在錢塘縣長壽鄉大老山泉自地湧出亢旱不涸有寺以泉爲名 丹泉在餘杭縣此泉之

源最高歷天柱山而下始聞殷殷若雷至大滌洞西百餘步乃出甘冽不竭有方池瀦焉天宇清明
則有赤色四旁苔蘚皆爲紫暈 桃花泉在餘杭縣龍蛻洞之西自石罅橫注入溪昔人每見有

桃花片流出張公弼詩有洞裏有春藏未得春風春雨泛桃花指此 撫掌泉在餘杭縣洞霄宮

內舊傳錢武肅王至宮有雙鶴翔舞其上因撫掌招之鶴下而泉湧宋陳堯佐按部至此詢羽士答
曰昔仙人撫掌而泉脉自湧公撫掌亦然宋高宗亦嘗酌此 龍孔泉在昌化縣南金山玉嶺之

麓石竅中寒泉湧出冬夏不涸每巨魚出遊必雨居民賴之爲水利 天井泉在昌化縣西五十

里石竅深窅叵測其中若列梯級可通上下寒泉涓涓灌注石面凝結如脂爲寒水石昔有人執燭

而入光彩奪目或以絲繫石下度之其聲瑟瑟如鼓相傳竅通朱浪村之長潭

嘉興府

孟姥泉在海鹽縣鹿山之麓自鷹窠頂來山厚源深有瀑布如匹練

嚴州府

玉泉在府東北七里烏龍山麓昔人鑿石爲瀑流如噴玉傍有石佛歲久漸長是爲息石圖經雜錄云玉泉出烏龍山之麓其水甘香宜茶殆所謂乳泉石池漫流者耶宋時嘗構玉泉亭於其上

温州府

寒濕泉在平陽縣白雲山兩柱對屹類天台雙闕而高過之泉注其巔飛流濺沫常如梅雨下爲龍湫 雷分泉在泰順縣天湖山之北昔歲旱耕者爭決致闕忽大風震雷中分其水爭乃止

江西通志 南昌府

馬跑泉淺沙泉在府城北舊薦福院敷佑廟壇下北曰馬跑水極清冷南曰淺沙深纔二尺歷冬夏不竭宋嘉祐中知洪州程師孟於二泉間建堂曰雙泉邑人潘興嗣爲記 孝感泉在豐城縣西

南八十里聖乘院內宋紹興元年少卿曹戩寓此其母喜茗飲初無井戩齋戒虔誠祝願地尺餘泉忽湧出人以孝感目之 給事泉在豐城縣西南八十里智度院泉清淺甘寒宋紹興間胡給事

安國與子寅偕來寓居愛其泉美常汲之故名

饒州府

佛指泉在浮梁縣西隅能仁寺前井底有石指泉從上湧出水甘冽冬夏不竭 膽泉有二一在

德興縣東銀山下 一在縣東六都銅山下以泉浸鐵數日輒類朽木取以刮其屑煨煉成銅後如法浸之不驗 暖泉在德興縣二十三都新村坂有田百所常苦亢旱業人虛納國課明宣德間里

人汪志宗夜夢神人告曰爾饒頭畝田下有黃金百斤次早攜鋤掘之甘泉湧出涓涓不息其泉冬月熱如釜水灌田數百餘畝雖亢旱不憂

廣信府

陸羽泉在府城北茶山寺唐陸羽寓其地卽山種茶烹以是泉故名 生生泉在府治明吉水羅

洪先有記 寒泉在玉山縣東三十五里石馬頭水極清冷故名徐與善詩百尺青烟飲碧流涓

涓湧地曉花浮寒空石骨飛瓊雪冷性雲根漾素秋 卓錫泉在永豐周安鄉博山寺後唐韶國

師開基於此因無水卓錫得泉故名 瓢泉在鉛山縣東二十五里形如瓢宋辛棄疾得而名之

因賦水龍吟

南康府

谷簾泉在府城西三十五里康王谷其水如簾布巖而下三十餘派唐陸羽茶經品爲天下第一

潮泉在府城西南二十里鷄籠山澗中其泉一日三潮朔望尤大 雲液泉在府城西三十五里

山多雲母石泉甘且清蓋雲母滋溢所致故名 野老泉在都昌縣治南清隱寺山頂水出石罅

中清冽甘潔大旱不涸宋蘇軾蘇轍黃庭堅嘗遊此故名 卓劍泉在建昌縣南四十里廣福觀

世傳許遜斬蛟淬劍於此

九江府

虎跑泉在東林寺後山舍利院塔左惠遠與社賢遊上方惠水遠有虎跑石出泉 卓錫泉在東

林寺周景式廬山記諸道人行十地息此而渴遠法師以杖卓地泉出 聰明泉在東林寺陳舜

俞廬山記遠公與殷仲堪論道殷才辨縱橫遠指泉謂曰君侯聰明若斯泉矣 龍泉在東林寺

外天旱遠法師令諸道人讀龍王經其側泉中有物如蛇而角騰去須臾卽雨 神泉在廬山錦

繡峯下宋紹興間皇甫坦賜隱廬山高宗名其居曰清虛觀初觀成苦水遠坦使人荷鋤斷觀側地

應手泉湧光宗聞知爲大書神泉二字賜之坦鐫石壁今石壁字不知所在

白龍泉在瑞昌縣

西二十里昔李成寇境白龍顯應泉霧四起賊不敢近傍有顯濟廟宋慶元六年勅江西顯濟廟潛龍在淵有帝司雨隨禱輒應錫命惟彰已昭靈雨之嘉名盍寵元侯之顯號祇予茂渥慰彼輿情時其雨暘無或菑害可特封孚澤侯 函玉泉在彭澤縣山川壇左自山頂層崖石罅中出四時清瑩人多掬飲以愈疾上有古刻函玉泉三字又名冷水澗

建昌府

瑞泉在府治內知軍事陳叔和將還朝便坐之側泉忽湧清冽異常故名瑞泉

神功泉在麻姑

山味極甘冽釀酒尤佳

蓮花泉在南豐縣學前川上亭左昔人往浴聞蓮花香氣故名

隱

泉在新城縣西北四十里并有銅底世傳唐相鄭畋鑿

撫州府

紅泉在府城西三十二里銅山下謝靈運詩銅陵映碧澗石磴瀉紅泉是也

白鹿泉在府城寶

應寺世傳謝靈運翻經時有白鹿跑地泉湧出宋陸游詩泉聲落環珮肝肺爲清涼

白龜泉在

樂安縣南八十里仙遊觀昔吳真人修丹時有白龜自山南負泉而出故名

臨江府

虎跑泉在府城東南唐魯孝子廬墓感虎得泉故名

醴泉在新喻縣西三十里宋黃太史庭堅

嘗過飲之而甘曰昔張又新陸鴻漸輩不及知也因題其傍石柱曰醴乳縣有醴泉鋪以此名也

瑞州府

武泉在上高縣北十里泉深莫測溢爲沼中多鰮鯉俗云不可食取食輒死上有東晉皇甫武將軍

廟故泉以武名

羅漢泉在新昌縣五峯山之半嶺尙書源公會遊此

袁州府

宜春泉在府西四里唐地志云宜春泉醒酒入貢蓋指此或謂靈泉卽宜春泉按郡守李景夏靈泉記云泉宜作酒見於吳錄晉記而泉已失所在不可復尋以靈泉醞酒出於近世是宜春泉與靈泉異矣然圖經載宜春泉在縣西四里靈泉距縣亦四里則靈泉卽宜春泉李或失考據今兩存之
靈泉在府治北城西上有寺舊傳泉日兩湧與海潮通後人滌漑其中遂止又云中有比目魚是邦

古今圖書集成
事物紀原

珠泉舊名湧坑泉在府城南門外方廣丈餘平地湧出漑田甚廣明萬曆丙申推

官徐之孟臨流憩賞泉上築臺下爲樓東西連簷接棟與宜春臺相望

甘泉在府城北十五里

山竇流瀦味甚甘冽咸通二年僧道光因築室爲甘泉院嘉祐中郡人李觀因僧智汪建二堂爲之

記

卓篙泉在分宜縣鈴岡相傳昔仰山維舟卓篙半峯遂有泉湧出舊有亭廢明萬曆六年知

府鄭惇典重新之

錫杖泉在萍鄉縣治東劉家井世傳彌勒佛卓錫而成

聰明泉在萍鄉

縣西一百步溪傍其泉甘香宋葉景武讀書於此後登第故名

贛州府

廉泉在府城光孝寺東本張氏之居南宋元嘉中一夕霹靂泉忽湧出郡守以廉名故云

甘泉

在雩都縣東紫陽觀內間日甘酸甘日汲以釀酒甚美宋守洪邁詩曰慈彼甘泉出自東方發源雩

山鍾於紫陽冰清玉潔源深流長君子至止鑒亦有光

陸公泉在瑞金縣西南東明觀前宋大

觀中縣尹陸蘊搜尋勝跡得唐人陸藻軒前山色依然綠溜下泉聲漱玉寒之句於石竇間因浚此

泉後被召邑人遂以取名